

## Član 3.

(Dopuna člana 15.)

1. U članu 15. iza stava (4) dodaje se novi stav (5) koji glasi:  
"(5) Komisija u sastavu od tri pripadnika Sektora za materijalno-finansijske poslove u saradnji sa pridruženim članovima iz nadležnih organizacionih jedinica će u roku od tri mjeseca od dana stupanja na snagu Uredbe o izmjenama i dopuni Uredbe o smještaju, čuvanju i postupanju sa privremeno oduzetim predmetima od strane policijskih službenika Uprave policije Ministarstva unutrašnjih poslova Kantona Sarajevo donijeti poslovnik o radu Komisije, kojim će se propisati postupak i način izvršenja rješenja iz člana 14. stav (1) tačka b) i c) ove uredbe".
2. Dosadašnji stav (5) postaje stav (6).

## Član 4.

(Stupanje na snagu)

Ova uredba stupa na snagu narednog dana od dana objavljivanja u "Službenim novinama Kantona Sarajevo".

Broj 02-04-30758-4/21

12. augusta 2021. godine

Sarajevo

Premijer

**Edin Forto, s. r.**

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 96. i 97. Zakona o zaštiti od požara i vatrogastva ("Službene novine Federacije BiH", broj 64/09), Vlada Kantona Sarajevo, na 94. vanrednoj sjednici održanoj 13.08.2021. godine, donijela je

**ODLUKU****O DAVANJU SAGLASNOSTI KANTONALNOJ UPRAVI  
CIVILNE ZAŠTITE KANTONA SARAJEVO****I**

Daje se saglasnost Kantonalnoj upravi civilne zaštite Kantona Sarajevo da odobri angažman deset (10) vatrogasaca kao i tri vozila sa pratećom opremom za pružanje pomoći u gašenju požara na području općine Jablanica.

**II**

Lica iz tačke I ove Odluke ispomoć će pružiti dana 13.08.2021. godine.

**III**

Za realizaciju ove odluke zadužuje se Kantonalna uprava civilne zaštite Kantona Sarajevo.

**IV**

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-31039-1/21

13. augusta 2021. godine

Sarajevo

Premijer

**Edin Forto, s. r.**

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo, na 36. sjednici održanoj 12.08.2021. godine, donijela je

**ODLUKU****O DAVANJU SAGLASNOSTI NA TEKST SPORAZUMA  
O SMJEŠTAJU SOCIJALNO UGROŽENIH OSOBA  
ŽRTAVA NASILJA U PORODICI U "SKLONIŠTE ZA  
ZLOSTAVLJANE ŽENE I DJECU"****I**

Daje se saglasnost na tekst Sporazuma o smještaju socijalno ugroženih osoba žrtava nasilja u porodici u "Sklonište za zlostavljane žene i djecu".

**II**

Ovlašćuje se ministrica za rad, socijalnu politiku, raseljena lica i izbjeglice Kantona Sarajevo da potpiše Sporazum iz tačke 1. ove odluke.

**III**

Za realizaciju ove Odluke zadužuje se Ministarstvo za rad, socijalnu politiku, raseljena lica i izbjeglice Kantona Sarajevo, Ministarstvo finansija Kantona Sarajevo, Javna ustanova "Kantonalni centar za socijalni rad" i Fondacija lokalne demokratije, svako u okviru svoje nadležnosti.

**IV**

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-30758-6/21

12. augusta 2021. godine

Sarajevo

Premijer

**Edin Forto, s. r.**

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), a u skladu sa Rješenjem Općinskog suda u Sarajevu broj 65 0 Rs 912674 21 Mo od 13.07.2021. godine i Zaključkom Općinskog suda u Sarajevu broj 65 0 I 917783 21 I od 14.07.2021. godine, Vlada Kantona Sarajevo, na 36. sjednici održanoj 12.08.2021. godine, donijela je

**ODLUKU****I**

Provodi se mjera osiguranja, određena Rješenjem Općinskog suda u Sarajevu broj 65 0 Rs 912674 21 Mo od 13.07.2021. godine, a čije je provođenje određeno Zaključkom Općinskog suda u Sarajevu broj 65 0 I 917783 21 I od 14.07.2021. godine, kojom je naloženo Vladi Kantona Sarajevo:

" da obustavi izvršenje Rješenja o razrješenju 02-04-22595-26.1/21 od 27.05.2021. godine, te da vrati na rad predlagatelja osiguranja - tužitelja Fahira Halilovića iz Sarajeva u skladu sa Rješenjem o imenovanju broj 02-05-34264-20.4/17 od 30.11.2017. godine; da obustavi izvršenje Rješenja o privremenom imenovanju direktora Kantonalne uprave za inspeksijske poslove Kantona Sarajevo Mešić Adisa doneseno na 25. sjednici Vlade Kantona Sarajevo dana 27.05.2021. godine pod tačkom 26. dnevnog reda sjednice u cilju sprečavanja nastanka štete predlagачu osiguranja - tužitelju; da obustavi radnje vezane za konkursnu proceduru u cilju imenovanja direktora Kantonalne uprave za inspeksijske poslove Kantona Sarajevo, dok se pravosnažno ne dovrši postupak zaštite prava iz radnih odnosa predlagatelja osiguranja Fahira Halilovića."

**II**

Ova odluka stupa na snagu danom donošenja, a primjenjuje se dok traje mjera osiguranja iz tačke 1 odluke.

**III**

Ova odluka će se objaviti u "Službenim novinama Kantona Sarajevo".

Broj 02-04-30758-14/21

12. augusta 2021. godine

Sarajevo

Premijer

**Edin Forto, s. r.**

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), člana 105. stav (2) Zakona o zdravstvenom osiguranju ("Službene novine Federacije BiH", broj 30/97, 7/02, 70/08, 48/11 i 36/18), člana 10a. Odluke